



Adresa: Ul. H. Čemerlića 39a
71000 Sarajevo
<http://www.voda.ba>

tel. +387 33 726 444; 726 408;
fax. +387 33 726 423
e-mail: info@voda.ba

Broj: **UP-1/21-2-40-128-3/25**

Datum: **16.04.2025. godine**

«Agencija za vodno područje rijeke Save» Sarajevo rješavajući po zahtjevu Grada Tuzla putem Službe za komunalne poslove, izgradnju i poslove MZ-a za donošenje rješenja o vodnoj saglasnosti na projektnu dokumentaciju za izvođenje radova na izgradnji novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica, Grad Tuzla, na osnovu člana 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj: 2/98, 48/99 i 61/22) d o n o s i

R J E Š E N J E **o vodnoj saglasnosti**

1. Podnosiocu zahtjeva, Grad Tuzla, Služba za komunalne poslove, izgradnju i poslove MZ-a, daje se vodna saglasnost na projektnu dokumentaciju za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica, Grad Tuzla na dijelu zemljišta označenog kao k.č. broj 1571 K.O. Donja Obodnica, Grad Tuzla, a prema slijedećoj projektnoj dokumentaciji:
„Glavni projekat za ishodovanje vodne saglasnosti za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica“, urađen od strane ATRIUS projekt d.o.o. Živinice, decembar 2023. godine.
Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projekta dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod slijedećim uvjetima:
 - 3.1. Sve radove na izgradnji novog mosta preko korita rijeke Tinje na lokaciji Bare u naselju Avdibašići, MZ Donja Obodnica, Grad Tuzla, izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Prije početka izvođenja radova neophodno je utvrditi postojanje instalacija vodovoda i kanalizacije, elektro instalacija i ostale infrastrukture na obje obale i eventualno instalacije zaštititi ili izmjestiti uz saglasnost i nadzor mjesnog nadležnog preduzeća, koje će dati tehničke uslove za izvođenje ovih radova.
 - 3.4. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
 - 3.5. U visinskom pogledu niveletu, odnosno kotu donje ivice konstrukcije mosta, uskladiti sa utvrđenom kotom velike vode rijeke Tinje i proračunatim usporom usljed mostovskog suženja.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, te u skladu sa važećim propisima o postupanju sa otpadom.
 - 3.7. Dinamika izvođenja predmetnih radova treba biti usaglašena sa ribolovnim društvima predmetnog područja, odnosno potrebno je voditi računa da se radovi izvode van perioda mriještenja ribljih vrsta koje obitavaju u rijeci Tinji i o istoj obavjestiti ostale korisnike voda rijeke Tinje, a u cilju poduzimanja potrebnih zaštitnih mjera.

- 3.8. Korisnik vodne saglasnosti je dužan da riješi imovinsko pravne odnose na lokalitetu izvođenja radova, na mjestu formiranja privremenog gradilišta, pristupnog puta i deponije za odlaganje viška izvađenog materijala.
 - 3.9. Tehnologiju izvođenja radova prilagoditi uslovima na terenu, uz odgovarajuće osiguranje ljudi i materijalnih dobara.
 - 3.10. U toku radova na izgradnji novog mosta, iskopani materijal i otpad koji će nastati u toku demontaže postojeće konstrukcije mosta se ne smije ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.11. U toku izvođenja radova obezbjediti rad sa tehnički ispravnom mehanizacijom, da ne bi došlo do zagađenja voda od eventualnog curenja ulja i naftnih derivata.
 - 3.12. Ukoliko se izvođenjem predmetnih radova ili drugim aktivnostima vezanih za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastalih štetnih promjena otkloniti, a nastale štete nadoknaditi o vlastitom trošku.
 - 3.13. Po završetku radova potrebno je izvršiti uređenje korita, obala i pojasa u kome su vršeni radovi, tj. dovođenje kompletnog terena u prvobitno stanje.
 - 3.14. U toku izvođenja radova neophodno je poduzeti sve potrebne mjere zaštite, da predmetnim aktivnostima ne dođe do erozije obala, nastanka štete ili nepovoljnih posljedica po vode i vodni režim, kao i postojeće korisnike voda.
4. Ukoliko se izvođenjem radova na izgradnji mosta preko rijeke Tinje na navedenoj dionici ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi.
 5. Po završetku izgradnje predmetnog objekta i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine FBiH“, broj 31/15).
 6. Ova vodna saglasnost prestaje važiti istekom roka od dvije godine, ukoliko u tom periodu ne bude pribavljeno odobrenje za gradnju i započeta izgradnja objekta u skladu sa glavnim projektom iz tačke 1. dispozitiva ovog rješenja.

O b r a z l o ž e n j e

Podnositelj zahtjeva, Grad Tuzla, putem Službe za komunalne poslove, izgradnju i poslove MZ-a podnio je zahtjev za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica, Grad Tuzla na dijelu zemljišta označenog kao k.č. broj 1571 K.O. Donja Obodnica, Grad Tuzla, a prema slijedećoj projektnoj dokumentaciji: „Glavni projekat za ishodovanje vodne saglasnosti za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica“, urađen od strane ATRIUS projekt d.o.o. Živinice, decembar 2023. godine.

Uz zahtjev je dostavljena:

- Ovjerena kopija Uvjerenja o registraciji/upisu u Jedinostveni registar obveznika indirektnih poreza, Grad Tuzla, izdatog od strane Uprave za indirektno-neizravno oporezivanje Banja Luka, broj: 04/1-17-1-UPJR/1-3265-2/15 dana 27.05.2015. godine;
- Kopija Rješenja o prethodnoj vodnoj saglasnosti za izgradnju mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica, Grad Tuzla na dijelu zemljišta označenog kao k.č. broj 1571 K.O. Donja Obodnica, Grad Tuzla, doneseno od strane Agencije za vodno područje rijeke Save, Sarajevo, broj: UP-1/21-1-40-069-4/24 od 24.04.2024. godine;
- Kopija Rješenja o urbanističkoj saglasnosti za izgradnju novog mosta sa uređenjem prilaznih saobraćajnica, na mjestu postojećeg, neuslovnog mosta koji se prethodno uklanja, a na dijelu zemljišta označenog kao k.č. broj 1571 K.O. Donja Obodnica, na lokaciji Bare u naselju Avdibašići u Tuzli, od strane Službe za prostorno uređenje i zaštitu okoline, Grad Tuzla, broj: 06/6-19-13457-2024 GJB dana 24.02.2025. godine;
- Kopija izvoda iz prostornog plana, Služba za prostorno uređenje i zaštitu okoline Grad Tuzla, broj: 06/6-19-13457-2025 dana 24.02.2025;

- „Glavni projekat za ishodovanje vodne saglasnosti za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica“, urađen od strane ATRIUS projekt d.o.o. Živinice, decembar 2023. godine;
- Dokazi o uplati upravne takse.

Uz zahtjev za donošenje Rješenja o vodnoj saglasnosti na projektnu dokumentaciju dostavljen je „Glavni projekat za ishodovanje vodne saglasnosti za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica“, urađen od strane ATRIUS projekt d.o.o. Živinice, decembar 2023. godine.

U dokaznom postupku utvrđeno je da je projektna dokumentacija urađena u skladu sa tačkom 4. Rješenja o prethodnoj vodnoj saglasnosti, izdatog od strane ovog organa, broj: UP-I/25-1-40-069-4/24 od 24.04.2024. godine, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: „Glavni projekat za ishodovanje vodne saglasnosti za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica“, urađen od strane ATRIUS projekt d.o.o. Živinice, decembar 2023. godine, data vodna saglasnost na istu.

Izgradnja novog mosta će biti u funkciji povezivanja individualnih stambenih objekata izgrađenih prema Glavnom projektu konstrukcija mosta će premoštavati rijeku Tinju sa osovinskim rasponom od 8.85 m i širinom od 5.50 m, sa ogradom mosta. Poprečni nagib mosta će biti 2.5 %, a uzdužni nagib 1.0 %. Na mostu je predviđena jedna traka za kretanje motornih vozila širine 3.80 m i jedna pješačka staza širine 1.20 m. Provedenim hidrauličkim proračunom dobiveno je da je kota slobodnog vodnog lica pri v.v. ranga pojave 1/100 na mjestu planirane izgradnje novog mosta 343.74 m n.v., a kota donje ivice mosta je 345.63 m n.v., odnosno most će se izvesti sa potrebnim nadvišenjem iznad velikih voda ranga pojave 1/100 godina.

Odvodnju oborinskih voda sa mosta, odnosno prikupljanje oborinskih voda vršiti putem tipskih mostovskih slivnika, te planirati ispuštanje prikupljenih voda u rijeku Tinju.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata.


U skladu sa svim navedenim konstatovano je da sa aspekta sektora voda i priložene dokumentacije ne postoje zapreke da se Investitoru izda tražena vodna saglasnost.

UPUTA O PRAVNOM LIJEKU

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Voditelj postupka: Aida Bezdrob, dipl.ing.građ.

Po ovlaštenju
Rukovodilac Sektora za izdavanje vodnih akata

Nihad Pezo, dipl.inž.građ.

PRILOG: „Glavni projekat za ishodovanje vodne saglasnosti za izgradnju novog mosta preko neregulisanog korita rijeke Tinje na lokaciji Bare u naselju Avdibašići, MZ Donja Obodnica“, urađen od strane ATRIUS projekt d.o.o. Živinice, decembar 2023. godine.

Dostaviti:

- Grad Tuzla, Služba za komunalne poslove, izgradnju i poslove mjesnih zajednica, u. ZAVNOBiH-a 11, 75000 Tuzla (sa prilogom)
- Ⓞ AVP Sava – ISV Vodna knjiga
- Sektor 40 – Arhiva
- Oglasna ploča AVP Sava